



Senin, 22 Mei 2024

**Ogen: Johanes 2:1-5**



Kataken Man Jesus



**S**ekalok nande pasti nandai anakna. Sekalok nande tentunya bangga nandangi anak-anakna. La sitik pnerenden, meriah kal iakapna nuri-nuri kerna kebeluhen, kelebihen si lit i bas anak-anakna. Bangga kal ia nurikenca. Terdauhen, kelebihen anak-anak e icidahkenna atena amin anak e jine, la nggit nta h mela ras sidebanna. Adi siinget ras sibayangken kerna biak nande sibage rupa, banci jadi enda me si lit i bas ukur Maria sanga ia ringan i bas sada kerja i kuta Kana. Tupung lit persoalen kerna persedian lau anggur si man elanken nandangi temue enggo keru. Janah si enda jadi si man kemelanken man sukut si mada kerja. Nterem temue tenahken tapi persedian man temue la bias. Amin situhuna enda keriahen, nterem kal kade-kade si mada kerja enda, la igejapna konsumsi si isikapken menam lanai bias. Meteh kejadi n enda, rutang pusuh si Maria, ertanggungjabap iakapna bana. Janah ietehna Jesus, anakna, ngasup nampatisa alu ngelakoken mujijat si mbelin.

Ikatakenna man Jesus kecibal sibagenda rupa. Ertina, ietehna ise si ngasup nampati, ku je ia ngerana sabap banci saja salah alamat nurikenca si erbahansa la jumpa serpang puluh tapi banci guntar ibahanna. Terlepas jabapen Jesus nandangi pemindon Maria nandena tapi ikataken Maria man serayan i je gelah ngikutken kai siikataken Jesus. Kataken man Jesus, persoalen-persoalen geluhta, teklah maka isampatiNa. Bage me Maria selaku nande, nandai anakna ngasup dengen erkuasa. Marilah selaku kalak sierkinitenken, pengikut Jesus, sitandai Tuhanta. Bas ia lit serpang puluh i bas kerina si la ngasup kita ngelakokenca. Ia hadir i bas paksa si pas menurutNa. Bage pe mari selaku nande, sitandai anakta, si eteh kelebihen ras kekurangenna alu bage banci sicibalken ia rikutken talentana. Sabap teptep jelma lit kelebihen si banci ipersebahkenna nandangi Dibata i bas kegeluhen enda.

*☞ Sitandailah Tuhanta dengen man baNa kita ngendes*